

## SAMÞYKKT

### um breytingu á samþykkt um stjórn og fundarsköp Sandgerðisbæjar nr. 494/2002.

#### 1. gr.

57. gr. samþykktarinnar verður svohljóðandi:

Bæjarstjórn kýs fulltrúa í eftirtaldar nefndir, ráð, stjórnir og embætti:

#### A. Til eins árs. Á fundi í júní ár hvert:

1. Kosning forseta og tveggja varaforseta.
2. Kosning tveggja skrifara og tveggja varaskrifara.
3. *Bæjarráð*. Þrjú bæjarstjórnarmenn sem aðalmenn og jafnmargir til vara skv. 38. gr. sveitarstjórnarlaga nr. 45/1998. Heimilt er að ákveða í samþykkt um stjórn og fundarsköp að þeir aðal- og varafulltrúar sem kosningu hafa hlotið af sama framboðslista og hinn kjörni bæjarráðsmaður verði varamenn hans í þeirri röð sem þeir skipuðu listann.

#### B. Til fjögurra ára. Á fyrsta fundi að afloknum bæjarstjórnarkosningum:

1. *Hafnarráð*. Fimm aðalmenn og jafnmargir til vara skv. 10. gr. hafnalaga nr. 61/2003.
2. *Fræðsluráð*. Fimm aðalmenn og jafnmargir til vara skv. 6. gr. laga um grunnskóla nr. 91/2008, 2. gr. laga um fjárhagslegan stuðning við tónlistarskóla nr. 75/1985, skv. 7. gr. laga um almenningubókasöfn nr. 36/1997 og skv. 4. gr. laga um leikskóla nr. 90/2008.
3. *Húsnæðis-, skipulags- og byggingarráð*. Fimm aðalmenn og jafnmargir til vara skv. 6. gr. skipulags- og byggingarlaga nr. 73/1997, samkvæmt lögum um húsnæðismál nr. 44/1998 og skv. 116. gr. umferðarlaga nr. 50/1987. Ráðið annast störf húsnæðis- og umferðarnefndar samkvæmt ákvæðum tilvitnaðra laga.
4. *Fjölskyldu- og velferðarnefnd*. Þrjú menn og jafnmargir til vara í sameiginlega 7 manna nefnd Sandgerðisbæjar, Sveitarfélagsins Garðs og Sveitarfélagsins Voga skv. 10. gr. barnaverndarlaga nr. 82/2002 og 5. gr. laga um félagsþjónustu sveitarfélaga nr. 40/1991.
5. *Umhverfisráð*. Fimm aðalmenn og jafnmargir til vara. Ráðið annast þau störf sem bæjarstjórn felur ráðinu á sviði umhverfismála á vegum bæjarfélagsins hverju sinni, enn fremur fer ráðið með verkefni gróðurverndarnefndar skv. 19. gr. laga um landgræðslu nr. 17/1965 og verkefni náttúruverndarnefndar skv. 10. gr. laga um náttúruvernd nr. 93/1996.
6. *Ferða- og menningarráð*. Þrjú aðalmenn og jafnmargir til vara. Ráðið annast þau störf sem bæjarstjórn felur ráðinu á sviði ferða- og menningarmála á vegum bæjarfélagsins hverju sinni.
7. *Íþróttaráð*. Þrjú aðalmenn og jafnmargir til vara. Ráðið annast þau störf sem bæjarstjórn felur ráðinu og snertir íþróttamál á vegum bæjarfélagsins hverju sinni og tengsl við íþróttahreyfinguna.
8. *Tómstundaráð*. Þrjú aðalmenn og jafnmargir til vara. Ráðið annast þau störf sem bæjarstjórn felur ráðinu og snerta tómstundastörf á vegum bæjarfélagsins hverju sinni.
9. *Atvinnumálanefnd*. Þrjú aðalmenn og þrjú til vara.
10. *Almannavarnarnefnd*. Einn aðalmaður og annar til vara skv. 9. gr. laga um almannavarnir nr. 82/2008.
11. *Búffjäreftirlitsmenn*. Tveir aðalmenn og tveir til vara skv. 10. gr. laga um búfjárhald nr. 103/2002.
12. *Fulltrúaráð Brunabótafélags Íslands*. Einn aðalmaður og annar til vara skv. 9. gr. laga um Eignarhaldsfélagið Brunabótafélag Íslands nr. 68/1994.

13. *Heilbrigðisnefnd Suðurnesja*. Bæjarstjórnirnar á svæðinu kjósa sameiginlega fimm aðalmenn og jafnmarga til vara í nefndina skv. 11. gr. laga um hollustuhætti og mengunarnir nr. 7/1998.
14. *Kjörstjórn við bæjarstjórnar- og alþingiskosningar*. Þrír aðalmenn og jafnmargir til vara skv. 14. gr. laga um kosningar til sveitarstjórna nr. 5/1998 og 15. gr. laga um kosningar til Alþingis nr. 24/2000.
15. *Stjórn Fjölbrautaskóla Suðurnesja*. Einn fulltrúi, sbr. samkomulag sveitarfélaga á Suðurnesjum og í samræmi við 5. gr. laga um framhaldsskóla nr. 92/2008.
16. *Stjórn Heilbrigðisstofnunar Suðurnesja*. Einn aðalmaður og einn til vara skv. 21. og 30. gr. laga um heilbrigðisþjónustu nr. 97/1990, í samræmi við samkomulag við Samband sveitarfélaga á Suðurnesjum.
17. *Skóðunarmenn reikninga*. Tveir aðalmenn og tveir til vara. Skipaðir af meirihluta og minnihluta bæjarstjórnar.

Samþykkt þessi sem bæjarstjórn Sandgerðisbæjar hefur sett samkvæmt ákvæðum 10. og 25. gr. sveitarstjórnarlaga nr. 45/1998, staðfestist hér með til að öðlast þegar gildi.

*Samgönguráðuneytinu, 30. desember 2008.*

F. h. r.

**Hermann Sæmundsson.**

\_\_\_\_\_  
*Stefanía Traustadóttir.*